



Ovaj Ugovor je zaključen dana 16.11.2016.godine u Zenici, između:

1. Zeničko-dobojskog kantona, Ministarstva za rad, socijalnu politiku i izbjeglice, sa sjedištem u Zenici, Ulica Kučukovići broj 2, kojeg zastupa ministar Nurdehan Šahinović, (u daljem tekstu: Naručilac) i

2. Almy d.o.o. Zenica, kojeg zastupa, direktor, Dubravac Adis, adresa, Vrandučka bb (u daljem tekstu: Izvođač).

I. VEZA UGOVORA

Član 1.

Ponuda Izvođača radova Almy d.o.o. Zenica br. 300/16,/A; broj koverta 2 od 07.11.2016.godine, a koja je rezultat odabira najpovoljnije ponude u provedenom konkurentskom postupku za dodjelu Ugovora objavljenom na portalu Javnih nabavki, br: 1312-7-3-1-3-1/16 od 28.09.2016.godine

II. PREDMET UGOVORA

Član 2.

Predmet Ugovora je izvođenje (arhitektonsko-građevinskih) radova za izgradnju zaštitnog zida u mjesnoj zajednici Vranduk Grad Zenica.

III. VRSTA I OBIM USLUGE

Član 3.

Vrsta i obim radova na građenju zaštitnog zida iz člana 1. ovog ugovora, određeni su tehničkom dokumentacijom koja je sastavni dio ovog Ugovora, zakonskom regulativom, standardima i pravilima struke iz oblasti građenja.

IV. CIJENA USLUGE

Član 4.

Ukupna cijena radova po ovom Ugovoru je fiksna i iznosi **59.925,06KM**, (slovima: pedesetdevethiljadadevetstotinadvadesetpet 06/100 KM).

Ukupna cijena iz predhodnog stava obuhvata sve aktivnosti i radove do uspješno obavljenog tehničkog prijema.

V. NAČIN PLAĆANJA

Član 5.

Ukupnu cijenu radova Naručilac će plaćati sukcesivno na slijedeći način: Avansna uplata u iznosu od 15% od ukupne vrijednosti ugovora. Ovaj iznos će se uplatiti Izvođaču nakon dostavljanja garancije banke na iznos avansne uplate.

Cijenu za izvođenje radova, Naručilac će plaćati, u roku od 30 dana, po mjesečno ispostavljenim privremenim i okončanoj situaciji. Privremene situacije se ispostavljaju do 5-og u tekućem mjesecu za radove izvršene u predhodnom mjesecu, a okončana situacija po završetku radova. Vrijednost za plaćanje ispostavljenih situacija mora biti potpisana i ovjerena od strane Federalnog ministarstva prostornog uređenja, koje će vršiti Nadzor nad građenjem. Ukupna vrijednost radova po svim situacijama ne smije preći ukupno ugovorenu vrijednost za izvođenje radova na građenju.

Naknada za štetu zbog kašnjenja izvođenja radova iznosi 0,5% od cijene iz Ugovora za svaku sedmicu kašnjenja, pa do maksimalno 5% od ugovorene cijene. Obračun naknade za štetu zbog kašnjenja vrši se prilikom konačnog obračuna radova.

VI. ROKOVI

Član 6.

Ukupan rok za izvršenje radova je 170 kalendarskih dana, u skladu sa rokom iz Ponude i usvojenom dinamičkom planu realizacije Ugovora.

Rok za izvođenje radova na rekonstrukciji računa se od datuma uvođenja Izvođača u posao. Izvođača u posao uvodi Nadzor nad građenjem u roku od 2 dana od dana potpisivanja ugovora. O uvođenju u posao sačinjava se poseban Zapisnik, što se konstatuje u građevinskom dnevniku. Datum uvođenja Izvođača u posao na Zapisniku mora biti isti kao datum započinjanja poslova u građevinskom dnevniku.

Rok za izvođenje radova teče do dana izdavanja potvrde o generalnom završetku radova koji, po pismenoj obavijesti Izvođača, izdaje Nadzor nad građenjem.

VI. OBAVEZE NARUČIOCA

Član 7.

Naručilac će Izvođaču na ime izvršenih radova po ovom Ugovoru, platiti ugovorenu cijenu, na način detaljno definisan članom 5. Ugovora.

Naručilac će putem Nadzora nad građenjem, kontinuirano pratiti realizaciju Ugovora prema svim operativnim planovima, i dinamičkom planu.

VIII. OBAVEZE IZVOĐAČA

Član 8.

Izvođač će radove iz predmeta Ugovora, izvršiti u svemu prema odredbama ovog Ugovora, projektnoj dokumentaciji, kako je precizirano u prihvaćenoj ponudi broj300/16/A; broj koverta 2 od 13.10.2016.godine, stručno i kvalitetno, saglasno važećoj zakonskoj regulativi, pravilima i standardima struke koja su na snazi danom zaključivanja Ugovora.

Izvođač je obavezan sačiniti dinamički plan realizacije Ugovora, i istog se pridržavati. Dinamički plan podrazumijeva skup operativnih planova: terminskih, finansijskih planova angažovanja radne snage i mehanizacije i sl.

Izvođač će odmah po potpisu Ugovora, za rukovodioca ugovorenih aktivnosti imenovati stručnu osobu o tome pismenim putem izvijestiti Naručioca.

Izvođač se obavezuje da će Naručiocu nadoknaditi svu štetu koju, eventualno, u izvođenju radova, koji su predmet ugovora, pričine njegovi radnici nemarnim i nestručnim radom.

IX. USTUPANJE RADOVA PODUGOVARAČIMA

Član 9.

Izvođač nema pravo, u cijelosti, ustupiti ugovorene aktivnosti drugom izvođaču.

Izvođač može dio ukupne vrijednosti Ugovora ustupiti podugovaraču (do maksimalno 20% od vrijednosti ponude) uz pismenu saglasnost Naručioca.

Ukoliko se ugovorne strane saglase da Izvođač dio svojih obaveza povjeri podugovaračima, Izvođač će ostati i dalje jedini odgovoran za izvršenje Ugovora u cijelosti. Saglasnost za podugovaranje ne oslobađa Izvođača od bilo koje njegove obaveze prema ovom Ugovoru. Uslovi podugovora podliježu i u skladu su sa uslovima ovog Ugovora.

Sve odluke, upute, naredbe Nadzora nad građenjem, izdate Izvođaču radova, obavezne su i za njegove podugovarače.

Propusti i greške podugovarača u realizaciji ugovorne obaveze, neće osloboditi obaveze i odgovornosti Izvođača za njegove obaveze po ovom Ugovoru.

Ukoliko podugovarač vrši realizaciju svojih aktivnosti suprotno ovom Ugovoru, svaka ugovorna strana može pismenim putem zahtijevati od Izvođača da prekine podugovarački ugovor.

Angažovanje podugovarača pod uslovima iz člana 12., eventualan raskid podugovora ne može imati nikakvog uticaja na izmjenu cijene, rokova i drugih elemenata ovog Ugovora.

X.PRIMOPREDAJA RADOVA I KONAČAN OBRAČUN

Član 10.

Po završetku radova iz Ugovora, Nadzor nad građenjem je dužan, po pismenoj obavijesti Izvođača radova da su radovi završeni, izdati Potvrdu o generalnom završetku radova.

Primopredaja radova i konačan obračun se vrši zapisnički od strane Komisije za primopredaju i konačan obračun koju čine predstavnici ugovornih strana, Nadzor nad građenjem i Ministarstvo za rad, socijalnu politiku i izbjeglice Zeničko-dobojskog kantona po uspješno završenom tehničkom prijemu.

Primopredajom radova se konstatuju svi relevantni podaci u vezi sa realizacijom Ugovora kao što su: da li su radovi izvedeni po Ugovoru, kvalitet radova, da li su otklonjeni nedostaci, da li je Izvođač predao i koje garantne listove, certifikate i ateste, dan završetka radova i sl.

Konačnim obračunom se utvrđuju međusobna finansijska prava i obaveze potpisnica Ugovora, a posebno: vrijednost izvršenih radova prema ugovornoj cijeni, iznos isplaćen po privremenim situacijama, iznos ispostavljene okončane situacije, konačni iznos koji Izvođač treba primiti ili vratiti prema nespornom dijelu konačnog obračuna, podatke da li je ispoštovan dogovoreni rok, a ako nije, koliko iznosi prekoračenje, podatak koja strana, po kojem osnovu i u kojem iznosu zahtijeva eventualnu naknadu štete ili zatezne kamate, kao i njihove sporne i nesporne iznose, problem o kome eventualno nije postignuta saglasnost predstavnika potpisnica Ugovora.

Danom potpisa Zapisnika o primopredaji i konačnom obračunu potpisnice ugovora su saglasne da je postupak primopredaje radova i konačnog obračuna završen.

Ukoliko Zapisnik o primopredaji i konačnom obračunu radova nije osporen od nijedne potpisnice ugovora, smatraće se konačnim i po istom se vrši plaćanje u roku od 30 kalendarskih dana. U slučaju da bilo koja od potpisnica Ugovora ospori zapisnik ili njegov dio, spor će se riješiti na način predviđen članom 14. Ovog Ugovora.

XI. GARANTNI ROK

Član 11.

Izvođač daje garanciju Naručiocu za izvedene radove u trajanju od 1 godine od dana uspješno obavljenog tehničkog pregleda, osim za stabilnost i sigurnost konstrukcije za koji garantni rok iznosi 10 godina. Za ugrađenu opremu vrijede garancijski rokovi proizvođača.

Pod garancijom se podrazumijeva obaveza Izvođača da o svom trošku otkloni sve nedostatke na izgrađenim objektima, koji su nastali uslijed nesolidno izvedenih radova ili lošeg kvaliteta ugrađenih materijala i opreme od strane Izvođača.

Izvođač je dužan u toku trajanja garantnog roka otkloniti sve utvrđene nedostatke u roku od 10 dana po pismenom pozivu Naručioca, a ukoliko to ne učini, Naručilac će svoja prava ostvariti iz bankovne garancije.

Bankovnu garanciju za vrijeme trajanja garantnog roka, na iznos od 10% vrijednosti od konačne cijene iz Ugovora, Izvođač radova je dužan dostaviti Naručiocu najkasnije do izvršenog tehničkog prijema. Bankovna garancija teče od primopredaje radova i konačnog obračuna i važi 12 mjeseci.

XII. RASKID UGOVORA

Član 12.

Svaka od ugovornih strana može jednostrano raskinuti Ugovor i prije roka određenog za njegovo ispunjenje, ako je iz okolnosti posla jasno da jedna od ugovornih strana neće moći ispuniti svoju obavezu i onda kada bilo koja ugovorna strana izjavi da svoju obavezu neće ispuniti.

Svaka od ugovornih strana može raskinuti Ugovor zbog toga što neka od ugovornih strana svoje dospjele obaveze ne ispuni ni u naknadno prihvatljivom roku za sve ugovorne strane.

Ugovor se ne može raskinuti zbog neispunjenja neznatnog dijela obaveze. Kao neznatno neispunjenje smatraće se ono koje bitnije ne otežava ostvarivanje svrhe ovog Ugovora.

Izjava o raskidu Ugovora daje se pismeno.

Ugovorna strana koja je osnovano, jednostrano raskinula Ugovor ima pravo na naknadu štete prema opštim pravilima obligacionog prava o naknadi štete.

XIII. RIJEŠAVANJE SPOROVA

Član 13.

Ugovorne strane su saglasne da sve eventualne sporove po ovom Ugovoru rješavaju sporazumno, a u suprotnom Općinski sud u Zenici.

